

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 31. i 46. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“ broj: 3/23), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 19. sjednici, održanoj dana 10.05.2023. godine, d o n o s i

ZAKLJUČAK

I.

Usvaja se Program utroška sredstava na razdjelu 19, budžetska organizacija 03, potrošačka jedinica 0001 - Kantonalna direkcija za ceste, ekonomski kod 821600 – naziv pozicije „Rekonstrukcija i investiciono održavanje“ Budžeta Zeničko-dobojskog kantona za 2023. godinu, pod nazivom „Program utroška budžetskih sredstava za realizaciju projekata iz oblasti cestovne infrastrukture Zeničko-dobojskog kantona“ u iznosu od 456.000,00 KM (slovima: četiristotinepedesetšesthiljada konvertibilnih maraka), koje je Vlada Zeničko-dobojskog kantona utvrdila u Budžetu Zeničko-dobojskog kantona za 2023. godinu, a koji čini sastavni dio ovog zaključka.

II.

Sredstva iz tačke I. ovog zaključka utrošiti će se u skladu sa Programom utroška sredstava Ministarstva za prostorno uređenje, promet i komunikacije i zaštitu okoline - Kantonalna direkcija za ceste.

Ministarstvo za prostorno uređenje, promet i komunikacije i zaštitu okoline – Kantonalna direkcija za ceste dužna je polugodišnje izvještavati Vladu Zeničko-dobojskog kantona o utrošku sredstava.

III.

Za realizaciju ovog zaključka zadužuje se Ministarstvo za prostorno uređenje, promet i komunikacije i zaštitu okoline - Kantonalna direkcija za ceste, Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 10.05.2023. godine

Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,

1x a/a.

U skladu sa odredbama člana 31. i člana 46. stav (3) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“ broj: 3/23), Vlada Zeničko-dobojskog kantona donosi:

**PROGRAM UTROŠKA BUDŽETSKIH SREDSTAVA
ZA REALIZACIJU PROJEKATA IZ OBLASTI CESTOVNE INFRASTRUKTURE
ZENIČKO-DOBOJSKOG KANTONA ZA 2023. GODINU**

Naziv programa:	Program utroška budžetskih sredstava za realizaciju projekata iz oblasti cestovne infrastrukture Zeničko-dobojskog kantona za 2023. godinu.
Svrha programa:	Izvođenje radova na izgradnji i sanaciji cestovne infrastrukture na području Zeničko-dobojskog kantona.
Visina sredstava:	456.000,00 KM
Izvor iz kojih se finansira:	Budžetska sredstva utvrđena u Budžetu Zeničko-dobojskog kantona za 2023.godinu („Službene novine Zeničko-dobojskog kantona“ broj: 03/23)
Kriterij:	Prema opredjeljenju Vlade Zeničko-dobojskog kantona, a u vezi sa Strategijom razvoja Zeničko-dobojskog kantona za period 2021. – 2027. godina: Veza sa strateškim ciljem 3. Poboljšati trenutno stanje okoliša, povećati energijsku efikasnost i unaprijediti javnu infrastrukturu Prioritet 3.4. Poticanje održivog i okolišno prihvatljivog prostornog planiranja Naziv mjere 3.4.1. Razvoj putne infrastrukture regionalnog i lokalnog karaktera Opis mjere sa okvirnim područjima djelovanja: Omogućiti ekonomski i privredni razvoj kroz razvoj putne komunikacije i bolju povezanost lokalnih i regionalnih centara; Poboljšati putnu infrastrukturu u ruralnim područjima; Strateški projekti: 3.4.1.1. Podrška izgradnji i rekonstrukciji putne infrastrukture u najnerazvijenijim područjima ZDK 3.4.1.2. Izrada saobraćajnih projekata za postojeće i nove puteve (signalizacija, obilježavanje i sl.) 3.4.1.3. Izrada saobraćajnica u cilju povezivanja za koridorom Vc

U Budžetu Zeničko-dobojskog kantona za 2023.godinu („Službene novine Zeničko-dobojskog kantona“ broj: 03/23) Vlada Zeničko-dobojskog kantona utvrdila je iznos od 456.000,00 u okviru budžetskih sredstava na poziciji 8216 „Rekonstrukcija i investiciono održavanje“ na razdjelu 19, budžetska organizacija 03, potrošačka jedinica 0001 – Kantonalna direkcija za ceste.

Redn i broj	Dionica ceste – opis poslova	Planirana sredstva/KM
1.	Izgradnja kružne raskrsnice Lukovo Polje na spoju dionice regionalne ceste R 457 Arnauti - Zenica i regionalne ceste R 457a prema Rudniku Zenica i sanacija cestovne infrastrukture u naselju Lukovo Polje.	308.089,87
2.	Stručno-tehnički nadzor izgradnje kružne raskrsnice Lukovo Polje na spoju dionice regionalne ceste R 457 Arnauti - Zenica i regionalne ceste R 457a prema Rudniku Zenica i sanacija cestovne infrastrukture u naselju Lukovo Polje	6.831,89
3.	Sanacija priključne saobraćajnice na regionalnu cestu R 445 Nemila-Zenica i regulacija odvodnje ispod podvožnjaka na lokalitetu Nemila.	138.738,60
4.	Stručno-tehnički nadzor Sanacija priključne saobraćajnice na regionalnu cestu R 445 Nemila-Zenica i regulacija odvodnje ispod podvožnjaka na lokalitetu Nemila.	2.339,64
UKUPNO:		456.000,00

PREMIJER

Amra Mehmedić

Broj: 02- /23

Datum, 10.05.2023. godine

Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Kantonalna direkcija za ceste,

1x Ministarstvo finansija,

1x a/a.